

Tribunal districtual En

Bezirksgericht Inn

Saglina 22, 7554 Sent, Telefon 081 864 93 33, Fax 081 864 93 44

Advocatas ed advocats

Professiun

Uschè inavant cha talas rapreschantanzas davant il Tribunal vegnan fattas professiunalmain, es quista actività – abstrahond da cas speziels – resalvada a las advocatas ed als advocats (monopol d'advocatas e d'advocats).

Cun l'intenziun da sgürar l'assistenza giuridica d'üna persuna independenta cun cum-petenzas professiunalas as lascha üna part suvent rapreschantar d'üna advocata o d'ün advocat patentà. Be possessuras e possessurs d'ün attest da qualificaziun daschan portar il titel d'advocata o d'advocat. L'attest da qualificaziun (patenta chantunala d'advocata o d'advocat) vain concedì sün basa d'ün examen a qual sun be admiss persunas cun ün stüdi d'università giuridic e cun üna scolaziun supplementaria chi'd es orientada a la pratica. A l'advocata o a l'advocat po la persuna chi tschercha dret plün-avant as confidar sainza restricziuns, protet dal secret professiunal. Eir il Tribunal es interessà vi d'üna rapreschantanza cumpetenta chi furnischa üna contribuziun objec-tiva ad üna buna cultura da disputa e chi "discorra listessa lingua". Perquai cha sper sia incumbensa primara da proteger ils interess da sia clientella, procura l'advocata o l'advocat – tras sias cugnuschentschas professiunalas e tras sia posiziun speziala illa procedura – per ün andamaint reglà da la procedura e per üna giurisdicziun effizainta.

Sco cuntrapais a lur posiziun da monopol ston las advocatas ed ils advocats observar üna pruna d'obligaziuns professiunalas. Quellas han ellas ed els per part fixà sves (reglas professiunalas da la federaziun grischuna d'advocatas e d'advocats [FGA] e da la federaziun svizra d'advocatas e d'advocats [FSA]), per part as tratta d'obligaziuns professiunalas legalas (art. 12 da la ledscha federala davart la libra circulaziun da las advocatas e dals advocats [LLCA; CS 935.61]). Suottamiss sun els ed ellas ad üna sorveglianza dal stadi. Il Tribunal chantunal ed il Tribunal administrativ elegian cumünaivel üna cumischiun da tschinch commembras e commembers sco eir da trais substitutas e substituets per üna perioda d'uffizi da 4 ons. L'incumbensa da quista cumischiun es la sorveglianza da las advocatas e dals advocats. Ella sorviglia l'actività da las advocatas e dals advocats, executescha il dret disciplinar, maina il register da las advocatas e dals advocats sco eir la glista publica da las commembras e dals

commembers da stadis commembers da la UE o da la AECL, decida davart l'admissiun als examens d'avocatas e d'avocats, maina tras quists examens, surdà la patenta d'avvocata e d'avocat, da il permiss da practicum e decida davart l'annullaziun da la patenta d'avvocata o d'avocat. Plü inavant decida ella davart la deliberaziun dal secret professiunal, ha l'incumbensa d'executar la LLCA e rapporta minch'on al cussagl grond (ledscha davart las advocatas ed ils advocats; [DG 310.100](#)).

Organisaziun

La gronda part da las advocatas e dals advocats chi lavura aint il chantun es organisa da illa federaziun grischuna d'avocatas e d'avocats (FGA, <http://www.grav.ch>), ün'uniun da dret privat chi'd es a listess mumaint üna secziun da la federaziun svizra d'avocatas e d'avocats (FSA, <http://www.swisslawyers.com>).

La recumpensa da l'avvocata e da l'avocat as drizza tenor la cunvegna cun sia mandanta o cun ses mandant. Sch'üna tala cunvegna manca, vegn debità l'onurari üsità, chi's drizza tenor il temp impuondü sco eir tenor l'importanza e tenor la difficultà dal mandat.

La federaziun d'avocatas e d'avocats ha posts d'infurmaziun giuridica in 4 regiuns dal chantun. Per üna contribuziun a las spaisas da 10.– francs per cussagliaziun dan las advocatas ed ils advocats da la federaziun prümas infurmaziuns giuridicas (per lös e datas verer FGA, infurmaziuns giuridicas).